

DIDZA' GUSÖL-LË'Ë PABLO YÖDZÖ COLOSAS

Pablo rugapë' Dios bönachi queë' Cristo nacu'ë Colosas

¹ Neda', Pablo, naca' gubáz queë' Jesucristo tu' rë'ënë' Dios caní, ate' dzágabi' bi'i böchi'ru' Timoteo neda'.

² Rugapa' Dios libí'ili', zóali' Colosas. Nácali' böchi'tu' réajlë'ëli' Cristo, en nácali' quez queë' Dios. Rinábida'-në' Xúziru' Dios uzá' ládxë'ë queëli', en gunë' ga soa dxi icja ládxi'do'oli'.

Pablo rulidzë' Dios, en rë' Lë': "Xclenu"

³ Rética'stu'-në' Dios, Xuzë' Xanru' Jesucristo: "Xclenu" cate' rulidztu'-në' Dios, en rinábitu'-në' bi gunë' queëli'

⁴ tu' biyönitu' didza' ca réajlë'ëli' Jesucristo, en ca nadxí'ili' yúgu'të nupa néquiguequi quez queë' Dios.

⁵ Caní runli' tu' runli' löza le nuzóë' Xanru' queëli' ni' yehua' yubá, lë na' biyönili' que cate' bë'lentu' libí'ili' didza', le naca löza sí'ili' ni'a que didza' dxi'a.

⁶ Didza' dxi'a na' bidxín queëli' ca ridxín ca' iduté yödzölió. Run dxin, en raca libán que, iduté yödzölió, la' tuz ca raca ga zóali', dza ni'te ga ridx-intë na'a dza, cate' ni' biyönili', en bënbe'ëli' iduté le ruzá' ládxë'ë queëru' Dios.

⁷ Epafras, bönni' nadxí'iru'-në', busëdinë' libí'ili' lë ni. Lë' rúnlenë' netu' tsözxön dxin, en rácalenë' libí'ili'. Náquië' huen dxin idú queë' Cristo.

8 Bönni' ni gudíxjöi'inë' netu' ca nadxí'ili' luzá'ali', ate' runë' Dios Bö' Lá'ayi ga gaca gunli' caní.

9 Que læ ni na' netu' ca', dza ni'te ga ridxintë na'a dza, tu' réquibe'etu' læ ni, bití' ca' rizóa dxitu' rulidztu'-në' Dios, en rinábitu'-në' gácalenë' libí'ili', en gunë' ga gúnbë'ëli' idú le rë'ëni quëzinë' Lë', en gunnë' queëli' yúgu'të yöl-la' rácada', en yöl-la' réajni'i le rigu'ë Dios Bö' Lá'ayi rë'u.

10 Caní rinábitu'-në' para gaca gunli' ca ral-la' ilún nupa néquiguequi queë' Xanru', gunli' yúgu'të le raza ládxe'ë Lë', en séqui'li' gunli' yúgu'të le naca dxi'a, en gácarö idú ca núnbë'ëli'-në' Dios.

11 Rinábitu'-në' utipë' ládxi'li', en gunnë' queëli' yöl-la' huáca idú queë', para gaca guá' ilenli' yúgu'të, en cözali' zxon ladxi', en udzeja ládxi'li'.

12 Lu yöl-la' rudzeja queëli' guli'guié' Dios Xuz: "Xclenu", tu' budödë' lu ná'aru' gata' queëru' lataj lu bení' queë', en gunru' tsözxön nupa néquiguequi quez queë'.

13 Dios Xuz na' busölë' rë'u lu na' nu rinná bë' lataj chul-la, en budödë' rë'u ga na' rinná bë'ë Zxí'ini cazë', Nu nadxí'inë'.

14 Zxí'inë' na' böá'uë' rë'u, tu' gútië' uláz queëru', ate' buniti lahuë' rë'u ca naca dul-la' gubága'ru'.

Nuhuöácaru' tuz len Dios tu' gútië' Cristo uláz queëru'

15 Cristo náquië' tuz ca náquië' Dios caz, Nu bití' gaca ilé'eru'. Zoa cazë' Lë' zí'atëlö ca yúgu'të le benë' Dios.

16 Lu në'ë Cristo benë' Dios yúgu'të le dë, le nacué' lúzxiba, en le nacué' luyú, yugu' le rilé'eru', en yugu' le cabí gaca ilé'eru', læ na' nácagaca lataj lo,

en yugu' yöl-la' unná bé', en le nápagaca yöl-la' zxon, en yugu' yöl-la' huáca que yehua' yubá, en que luyú ni. Yúgu'tè benë' Dios lu në'ë Cristo para uzi'ë xibé Lë'.

¹⁷ Cristo zoa cazë' zí'alö ca yúgu'tè le dë, ate' yúgu'tè nacua'tica'sö ni'a queë' Lë'.

¹⁸ Cristo náquië' Xángaca bönachi queë', en runödzjë' quëgaquië' yöl-la' na'bán. Náquië' ca' Nu gusí lo bubán tsaz lu yöl-la' guti. Zí'alö Lë' bubanë' tsaz lu yöl-la' guti para tsëpisëtërë' ca yúgu'tè le dë.

¹⁹ Caní guca, tu' guyaza ládxë'ë Dios Xuz sóalen Cristo idútë le naca cazë' Lë'.

²⁰ Ni'a que le benë' Cristo, Dios benë' ga gaca ulu'huóaca tuz len Lë' yúgu'tè le dë, le nacua' luyú, en le nacua' lúzxiba. Bunë' léguequi tuz len Lë' tu' bulaljë' Cristo xichönë' cate' gútië' lë'e yaga cruz.

²¹ Libí'ili', zí'atëlö nulá'aleni'-në' Dios, en gúcali' ca yugu' bönni' biti' ta'lé'enë' Dios dxi'a lu icja ládxi'do'oli' ni'a que dö' biá'ali', pero na'a chibunë' libí'ili' tuz len Lë'.

²² Caní guca, tu' budödi cuinë' Cristo, en gútië' uláz queéli' para gaca usudxinë' libí'ili' lahuë' Dios, nácali' quez queë', en idú dxi'a, ate' cuntu nu bi gaca innë queéli'.

²³ Caní gaca channö ugá'anali' tsutsu ca réajlë'ëli' Cristo. Gácali' ca tu yu'u zxoá ga rë' xilibi zö'ö que, en biti' tseaj bö' ládxi'do'oli' ca runli' löza didza' dxi'a biyönili', lë na' raca libán que idútë yödzölió le benë' Dios zخان lúzxiba. Dios buzóë' neda', Pablo, para gaca' huen dxin que didza' dxi'a na'.

Dxin budödë' Dios lu në'ë Pablo

24 Rudzėjada' na'a ca naca le rigu'i rizáca'a para gácalena' libí'ili', en ruúdxí rizá'a lu idútë le naca' le rigu'i rizáca'lena' tsözxõn Cristo uláz que idú le naca cazë' Lë', le naca bönachi queë'.

25 Dios benë' ga naca' huen dxin quégaca bönachi queë' Cristo, ate' runa' xichinë' Dios, le budödë' lu na'a guna' para gácalena' libí'ili', quíxjö'a idú ca naca xtídzë''ë Dios.

26 Ruzéajni'ida' bönachi le nagachi', lë na' bigachi' dza ni'te, ate' cuntú nu benbé' le, pero na'a Dios chibulu'ínë' bönachi néquiguequi quez queë' ca naca que.

27 Dios gú'uni quézinë' gunë' ga ilúnbë'e yugu' yöl-la' tsahui' idú que le nagachi' ni, lë na' ta'yöni bönachi izá'a. Caní rnna lë na' bigachi': "Cristo náquië' tuz len libí'ili', en náquië' le naca löza idéli'li' tsazli' lu bení' queë'."

28 Runtu' libán queë' Cristo, en rusá'atu' ládxi'gaca yúgu'të bönachi, ate' rusëditu' léguequi idútë yöl-la' réajni'i, para gaca usudxintu' yúgu'të bönachi lahuë' Dios, naca idú ládxi'gaca tu' nácagaca tuz len Jesucristo.

29 Para gaca caní runa' dxin, en ruí'i ládxa'a údxí guna' lë ni, rugúna' dxin yöl-la' huáca idú na' runnë' Cristo quia'.

2

1 Rë'ënda' inözili' ruí'ida' ládxa'a runa' le gácalen libí'ili', enca' le gácalen bönachi yödzo Laodicea, en le gácalen ca' yúgu'të nupa bití' ila'lé'eni neda'.

2 Runa' caní para ila'dipa ládxi'gaquië', en iláquië' tuz lu yöl-la' nadxí'i, en ulu'zi'ë xibé yúgu'të yöl-la' tsahui' que yöl-la' run löza idú le runna

yöl-la' réajni'i queëru'. Caní raca para ilúnbë'e le bigachi' queë' Dios Xuz, lë na' naca cazë' Cristo.

³ Lu në'e Cristo ruzí'iru' xibé yúgu'të yöl-la' tsahui' que yöl-la' rácada', en yöl-la' réajni'i.

⁴ Lë ni rea' libí'ili', para cabí gaca nu si' ye'e libí'ili', nu gü'i didza' tséajlë'ëru' le cabí nácatë.

⁵ Sal-la' zoa' zi'tu' ga zóali' lu idútë le naca', lu bö' naca caza' zóalena' libí'ili', en rudzédada' tu' rilé'eda' rö'ö xibá queëli', en nácali' tsutsu ca réajlë'ëli' Cristo.

⁶ Que lë ni na', ca na' guzxí' lu ná'ali' Xanru' Jesucristo, lësca' caní ral-la' gunli' yúgu'të le gunli', dzáguië' Lë' libí'ili'.

⁷ Ca na' nun ga rë' luí yaga, enca' ca na' nayás zö'ö lu xilibi zö'ö, guli'sóalen Cristo. Guli'sóa tsutsu ca réajlë'ëli' Lë', ca na' chinazédali'. Guli'guiética'së' Dios: "Xclenu'."

Le cubi nácaru' tu' dzágaru'-në' Cristo

⁸ Guli'gún chi'i cuinli' para cabí gü'ili' lataj nu si' ye'e libí'ili', nu ugún dxin yöl-la' réajni'i quégaca bönachi, en yugu' didza' ta'nнасë' nácgaca idútë li, ca naca le ta'lëbi tun bönachi, en ca naca le tu'sedi bönachi le naca que yödzölió ni, en calëga le naca xtídzë'ë Cristo.

⁹ Idútë le naca cazë' Dios zóalen Cristo sal-la' böáquië' bönachi,

¹⁰ ate' libí'ili' nápalí' idútë le náquië' Dios tu' dzágali'-në' Cristo, Nu rinná be'e yúgu'të nupa ta'nná bë', en yugu' bönni' dë lu ná'agaquië'.

¹¹ Narugu lu xipëla'gaquië' bönni' judío le ruluí'í dá'gaquië' Dios, pero libí'ili', tu' dzágali' Cristo, zóalen libí'ili' le ruluí'í néquili' queë' Dios, le cabí

néquini lu ni'a lu ná'agaca bönachi. Yugu' bönni' judío tu'güë' tu guídido', pero libí'ili', nadúa iduté yöl-la' bönachi queéli' le bénlenli' dul-la'. Caní naca queéli' tu' benlí' tsözxön Cristo cate' gútië' lë'e yaga cruz.

12 Cate' bidílali' nisa guca ca bigáchi'lenli'-në' Cristo tsözxön yeru ba, en bubánlenli'-në' tsözxön tu' guyéajlë'ëli' Dios, len yöl-la' huáca queë' busubanë' Cristo lu yöl-la' guti.

13 Zí'atëlö gúcali' ca nupa chinátigaca tu' nözi dul-la' gubága'li', en biti' guzóalen libí'ili' le rulu'i néquili' queë' Dios, pero na'a Dios nunë' ga nabánlenli'-në' tsözxön Cristo, en buniti lahuë' libí'ili' ca naca yúgu'të dul-la' gubága'li'.

14 Dios busúluë' yugu' le nabága'ru' le nazúajgaca lu xibá queë', lë na' tu'zegui rë'u didza'. Bugüë' lë na' nabága'ru', en budë'ë le lë'e yaga cruz ca tu le nabáguë'ë Cristo.

15 Cate' gútië' Cristo lë'e yaga cruz, bugüë' yöl-la' huáca unná bë' quégaca bö' xihui' unná bë', en quégaca bö' xihui' dë lu në'eguequi yöl-la' huáca, tu' bulu'e lahui le nácagaca bö' xihui' na', en bugüë' iduté le guta' lu në'eguequi.

Ral-la' güi'í ládxi'ru' le naca que yehua' yubá

16 Que lë ni na', biti' güi'í'li' lataj nu uzegui libí'ili' didza' ca naca le rë'aj ráguli', o tu' cabí runli' zxön yugu' dza laní, o tu' cabí runli' zxön beo' si ruzé, o tu' cabí runli' zxön yugu' dza lá'ayi quégaca bönachi.

17 Yúgu'të lë ni naca ca tu bixín que le ral-la' gaca, ate' le rulu'i yúgu'të lë ni náquië' Cristo caz.

18 Biti' gü'ili' lataj nu gun ga unítli' le ral-la' s'íli', nu runda' bayudxi ga ilaca nõxaj ládxi'gaca bõnachi, en ilún zxõn yugu' gubáz lá'ayi. Tu'gutsa' cuíngaquië' le cabí bila'lé'enë', en tun ba zxõn cuíngaquië' ca naca le dzõ'ösö ícjagaquië' lu yõl-la' bõnáchisõ quégaquië'.

19 Nu run caní biti' da' Cristo. Náquië' Xanru', en ruzóë' tsutsu idútë le naca cazë', le nácaru' rë'u. Rugahuë' le, en runë' ga naca tuz ni'a que le zeaj lu dxita lu bin, ate' rizxõn idútë le naca cazë' ca ré'ënë' Dios uxõnë' le.

20 Libí'ili' chinátlenli'-në' Cristo para cabirõ ila'nná be'e xibá que yõdzölió libí'ili'. ¿Bizx que runli' tsca ni nácali' que yõdzölió, en runli' ca ta'nná bë' xibá que?

21 Caní ta'nná yugu' xibá que yõdzölió ni:
Biti' quítjanu' lë ni.

Biti' gagu' lë na'.

Biti' canu' ia'tú le dë.

22 Yúgu'të lë ni ila'niti cate' chibugunru' léguequi dxin. Caní nátagaca le ta'nná bë' bõnachi, en yugu' xibá nazí' lu në'eguequi.

23 Le nácatë, yugu' xibá ni, téqui bõnachi nápagaca yõl-la' réajni'i. Tun ga tu'luí' cuínguequi ca bõnachi yudo', en ga tu'luí' cuínguequi nõxaj ladxi', en ga tu'saca' zí'gaca idútë le zeaj naca caz, pero xibá ni bití' ca' tácalen rë'u para gaca inná bé'eru' yugu' le rizë ládxi'ru' lu yõl-la' bõnáchisõ queëru'.

3

1 Na'a, channõ nubánlenli'-në' Cristo, guli'güí' ladxi' le nátagaca que yehua' yubá ga ni' rõ'ë Cristo cuita lë'ë ibëla Dios, ga náquië' lo.

² Guli'sá' ladxi' le taca xitsá'alö, en calëga le taca luyú ni.

³ Naca queëli' tsca chinátili', ate' yöl-la' na'bán queëli' rapa chi'ë Cristo ga ni' zoa cazë' Dios.

⁴ Cristo nabánili' libí'ili'. Cate' uluí'i lahuë' Lë', ní'irö uluí'i loli' ca' libí'ili' tsözxön len Lë' lu bení' queë'.

Yöl-la' na'bán gula, en yöl-la' na'bán cubi

⁵ Que lë ni na', guli'gún ga ila'niti le nacua'len libí'ili' que yödzölió ni:

Yugu' le ruá' dö', en le nácagaca xihui',
 en yugu' le rizë ládxi'li' le ruá' dö',
 en yugu' le rizë ládxi'li' le naca xihui',
 en yöl-la' ruhuidi'.

Yöl-la' ruhuidi' naca lëbi ca nu reaj ladxi' budó' guiöj budó' yaga, tu' cabí reaj ladxi' Dios nu ruhuidi'.

⁶ Tun bönachi yugu' le caní, ate' gunë' Dios xíguia' yúgu'të nupa bití' túngaca ca rnna xtídzë'ë.

⁷ Yugu' dul-la' caní benli' ca' libí'ili' cate' ni nadödili' lu në'eguequi.

⁸ Na'a, bíti'rö gunli' yugu' lë ni:

Bíti'rö idzá'ali', en bíti'rö leli'.
 Bíti'rö nu gunli' zi', en bíti'rö innë xíhui'li'.
 Bíti'rö innali' le ruá' dö'.

⁹ Bití' si' yé'eli' luzá'ali' tuli' ia'tuli' tu' chinucá'anali' le gúcali' zí'alö, en yugu' le benli' zí'alö.

¹⁰ Chinácali' bönachi cubi, ate' tu tu dza ricúbili', ruhuöácaröli' ca naca Nu na' bun libí'ili', para gúnbë'ëli' Lë' idú ca náquië' Lë'.

¹¹ Tu' chidzágaru'-në' Cristo:

Bíti'rö nácaru' bönni' zi'tu', en bönni' judío.

Bíti'rö nácaru' bönni' narugu lu xipéla'gaquië' le naca bē' nu da' Dios, en bönni' bití' narugu lu xipéla'gaquië' lē na' naca bē'.

Bíti'rö nácaru' bönni' ta'yéajni'inē', en bönni' bití' ta'yéajni'inē'.

Bíti'rö nácaru' bönni' nadó'ogaquië', en bönni' bití' nadó'ogaquië'.

Na'a, Cristo náquië' yúgu'tē le nácagaca lesaca', en dzáguië' yúgu'tēru'.

¹² Dios nadxí'inē' libí'ili', en guröë' libí'ili' para guéquili' quez queë'. Que lē ni na', ral-la':

Güf'i ládxi'li' luzá'ali', en gácali' dxi'i ladxi',

en nöxaj ladxi', en cuidi' ladxi',

en cözali' zxön ladxi'.

¹³ Channö raca didza' bizxaj tuli' len ia'tuli', guli'guá' ilén luzá'ali' tuli' ia'tuli', en buli'niti lo luzá'ali' tuli' ia'tuli' ca na' benē' Cristo, buniti lahuë' libí'ili'.

¹⁴ Le nazáca'tērö ca yúgu'tē lē ni, ral-la' idxí'ili' yúgu'tē bönachi, tu' naca yöl-la' nadxí'i le run ga nácaru' tuz, en ga nácaru' idú.

¹⁵ Guli'güi' lataj le ribequi dxi icja ládxi'do'oru' inná bē' lu icja ládxi'do'oli', lē na' runnē' Dios queëru'. Que lē ni na' bulidzē' libí'ili', para gácali' tuz lu idütē le naca cazē' Cristo. Guli'guië' Dios: "Xclenu'."

¹⁶ Guli'sí' lu ná'ali' xtídzē'ë Cristo le gaca queëli' tu yöl-la' tsahui' zxön. Tu' zóalen libí'ili' yöl-la' réajni'i queë' Dios, buli'sedi, en buli'zėjni'i luzá'ali' tuli' ia'tuli'. Idú ládxi'li' guli'gul-la' yugu' salmo queë' Dios, en yugu' le rul-la' yöl-la' ba, en yugu' le rul-la' lá'ayi, ate' guiéli'-nē' Dios: "Xclenu'."

17 Yúgu'tè le runli', le naca didza' ruí'ili' o le naca dxin runli', guli'gún yúgu'tè lu Lè' Xanru' Jesús, en guiéli'-nè' Dios Xuz: "Xclenu'", dzáguië' Cristo libí'ili'.

Le ral-la' gunru' que luzá'aru' tu' néquiru' queë' Cristo

18 Libí'ili', nigula nutsaga ná'aleni' bönni' queëli', guli'gún ca rnna xtídza'gaquië' bönni' que queëli' ca ral-la' gunli', tu' néquili' queë' Xanru'.

19 Libí'ili', bönni' nutsaga ná'aleni' nigula queëli', guli'dxí'i nigula que queëli', en biti' uzéli' bach légacanu.

20 Libí'ili', bi'i ra'bán, guli'gún ca rnna yúgu'tè xtídza'gaquië' xuz xiná'ali'.
Lè ni raza ládxë'ë Xanru'.

21 Libí'ili', núlöli' nácali' xúzgaca bí'ido', biti' tödi bë' usína'li' zxi'inili', para cabí huőaj ládxi'gacabi'.

22 Libí'ili', núlöli' nácali' bönni' nadó'ogaquië', guli'gún ca rnna yúgu'tè xtídza'gaquië' xanli' luyú ni.

Calégasö gunli' caní cate' tu'yúë' libí'ili' ca na' tun nupa té'ëni ilún ga ila'yaza ládxi'gaca bönachi,
pero idú ládxi'li' guli'gún xichíngaquië' ca ral-la' ilún nupa tadxi Dios.

23 Ca naca yúgu'tè le runli', guli'gún idú ládxi'li', gaca ca runli' xichinë' Xanru', en calégasö ca runli' xichíngaca bönachi.

24 Chinöz quézili' ubi'ë Xanru' queëli',

gunnë' queëli' le chinupë'ë Dios quegaca nupa
nácagaca zxí'ini cazë'.

Caní gaca, tu' runli' xichinë' Xanru' Jesucristo.

²⁵ Nu ruá' dö', ubi'ë Xanru' que nu na' ca naca dö'
ruá' nu na', tu' cabí utsë'ë Dios ca ral-la' ubi'ë que
queëgaca bönachi.

4

¹ Libí'ili', núlöli' nácali' xángaca bönachi,
guli'gún le naca tsahui', en le naca dxi'a
ca rugunli' dxin yugu' bönni' huen dxin queëli'.
Guli'tsöjné zoa ca' Xanli' yehua' yubá.

² Libí'ili', yúgu'tëli',
buli'lídztica'sé' Dios.
Buli'subán ládxi'li' ulídzali'-në' Dios,
en guli'guié': "Xclenu'."

³ La' ná'asö cate' rulídzali'-në' Dios, guli'nabi-në'
ca' gácalenë' netu', en gunnë' netu' lataj quíxjö'ötu'
xtídzë'ë Xanru', para gaca uzéajni'itu' bönachi le
bigachi' ca naca queë' Cristo. Tu' runa' caní
nadzuna' lidxi guié' ni.

⁴ Guli'nabi-në' ca' Dios, gunnë' neda' lataj usalaj
lá'ana' le bigachi' na' ca ral-la' guna'.

⁵ Lu yöl-la' réajni'i queëli', guli'gún le runli' lógaca
nupa biti' ta'yéajlë' Cristo. Guli'gunda' dxin yugu'
dza uzá' ládxe'ë Dios queëli', gunli' xichinë'.

⁶ Ral-la' güi'ili' didza' ca raza ládxe'ë Dios, en ca
ral-la' gun nupa néquiquequi queë'. Ral-la' inözili'
ca' naca ral-la' ubi'ili' didza', bi guiéli' tu tu bönachi.

*Yugu' bönachi queë' Cristo tu'gapa Dios
luzë'eguequi*

⁷ Tíquico quíxjöi'inë' libí'ili' le raca quia' ni. Náquië' böchi'ru' nadxí'iru'-në'. Náquië' ca' huen dxin idú queë' Xanru', en rúnlenë' neda' tsözxön dxin queë' Xanru'.

⁸ Que læ ni na' risöl-la'a-në' ga zóali', para uzéajni'inë' libí'ili' le raca quia', en utipë' ládxi'li'.

⁹ Onésimo, böchi'ru' na' nabábalenë' libí'ili' sa'yéajlenë' læ' tsözxön. Náquië' ca' böchi'ru' nadxí'iru'-në', en réajlë'ë Xanru'. Chopë' ni ulu'siyönnë' libí'ili' yúgu'të le raca ni.

¹⁰ Aristarco, bönni' na' yú'ulenë' neda' tsözxön lidxi guíë rugapë' Dios libí'ili'. Bi'i Marcos, bi'i bönni' queënu nigula zanë' Bernabé rugápabi' Dios ca' libí'ili'. Chigudxa' libí'ili' bi gunli' queëbi' bi'i Marcos na'. Channö huídabi' ga zóali', guli'gún-bi' bal.

¹¹ Bönni' ni læ' Jesús, en zoa ia'tú læ' Justo læsca' rugapë' Dios libí'ili'. Nacuá' zían bönachi judío ta'yéajlë' Cristo, pero tsónnasë' ni ladaj bönachi judío tunë' dxin que le rinná bë'ë Dios tsözxön len neda', en tu'huí' zxöndë'ë neda'.

¹² Epafras, bönni' ni nababë' ca' libí'ili' rugapë' Dios libí'ili'. Náquië' huen dxin queë' Cristo, en idú ládxe'ë rulidzë' Dios, en ráta'yutica'së' lahuë' gácalenë' libí'ili' para gácali' idú ladxi', en sóali' ca' sina' gunli' yúgu'të le ré'ëni quézinë' Dios.

¹³ Runa' ba nalí queë' Epafras na', ruí'ida' ládxe'ë libí'ili' enca' nupa nacuá' yödzö Laodicea, en nupa nacuá' yödzö Hierápolis.

¹⁴ Demas, enca' Lucas tu'gapë' Dios libí'ili'. Náquië' Lucas bönni' na' ruúnë' bönachi, ate' nadxí'iru'-në'.

¹⁵ Guli'gapa Dios böchi'ru' nacu'ë Laodicea,

enca' Ninfas, en bönachi queë' Cristo nacué' lídxinu Ninfas na'.

¹⁶ Cate' údxi ulábalí' guichi ni ga ni' zóali', guli'gún ga ulu'laba le bönachi queë' Cristo nacué' Laodicea. Buli'laba ca' libí'ili' guichi na' ila'söl-la' bönachi Laodicea na' queéli'.

¹⁷ Guli'guié' Arquipo: "Bë' ládxi'u gunu' dxin na' budödë' Xanru' lu nó'o."

¹⁸ Neda', Pablo, ruzúaj caza' lu guichi dídza'do' ni, rnnía': Rugapa' Dios libí'ili'. Guli'tsöjné ca raca quia' nadzuna' lídxi guié' ni. Rinábida'-në' Dios uzá' ládxi'ë' queéli' le naca dxi'a. ¡Ca' gaca!

Didza' cubi rucá'ana tsahui'
**New Testament in Zapotec, Rincón (MX:zar:Zapotec,
Rincón)**

copyright © 2009 Wycliffe Bible Translators, Inc.

Language: Zapotec, Rincón

Translation by: Wycliffe Bible Translators, Inc.

Zapotec, Rincón

zar

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Zapotec, Rincón

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

58bf86df-ae22-508c-81dc-936dbf138c25